

## CYNGOR SIR YNYS MÔN

<b>CYFARFOD:</b>	Cyngor Sir
<b>DYDDIAD:</b>	8 Medi 2020
<b>TEITL:</b>	Penderfyniadau Gweithredol rhwng mis Mai 2019 a Gorffennaf 2020
<b>ADRODDIAD GAN:</b>	Annwen Morgan Prif Weithredwr
<b>PWRPAS YR ADRODDIAD:</b>	Adrodd ar y penderfyniadau gweithredol a wnaed yn ystod y flwyddyn hyd yma
<b>SWYDDOG CYSWLLT:</b>	Lynn Ball, Cyfarwyddwr Swyddogaeth (Busnes y Cyngor) / Swyddog Monitro (est 2568) <a href="mailto:lbxcs@ynysmon.gov.uk">lbxcs@ynysmon.gov.uk</a>

### 1. Cefndir

- 1.1 Yn unol â Rheoliadau Gweithdrefn y Pwyllgor Gwaith (a gynhwysir yn Rhan 4.4 Cyfansoddiad y Cyngor), *“Gall yr Arweinydd ddiwygio'r cynllun dirprwyo i swyddogaethau gweithredol unrhyw adeg yn ystod y flwyddyn. I wneud hynny, rhaid i'r Arweinydd roi rhybudd ysgrifenedig i'r Prif Weithredwr ac i'r person, corff neu Bwyllgor dan sylw. Rhaid i'r rhybudd gyflwyno maint y diwygiad i'r cynllun dirprwyo, a ph'run a yw'n golygu tynnu dirprwyaeth oddi ar unrhyw berson, corff, Pwyllgor neu'r Pwyllgor Gwaith yn gyffredinol. Bydd y Prif Weithredwr yn cyflwyno adroddiad i Gyfarfod Arferol nesaf y Cyngor yn nodi'r newidiadau a wnaed gan yr Arweinydd.”* (Paragraff 4.4.1.4.2)
- 1.2 Oherwydd y pandemig coronafeirws, diwygiwyd y cynllun dirprwyo gan yr Arweinydd ar 23 Mawrth 2020. Ceir manylion am y newidiadau ym mharagraff 3.5 isod.
- 1.3 Cyflwynir yr adroddiad hwn yn unol â pharagraff 1.1 uchod ac ar gais Gwasanaeth Archwilio Mewnol y Cyngor.

### 2. Rhan 3 o Gyfansoddiad y Cyngor – y cynllun dirprwyo

- 2.1 Mae Rhan 3 o [Gyfansoddiad](#) y Cyngor yn amlinellu'r cyfrifoldebau am wneud penderfyniadau mewn perthynas â gwahanol swyddogaethau'r Cyngor (cynllun dirprwyo'r Cyngor).
- 2.2 Mae cynllun dirprwyo'r Cyngor yn seiliedig ar yr egwyddor y bydd y Pwyllgor Gwaith yn gwneud holl benderfyniadau'r awdurdod lleol nad ydynt wedi cael eu dirprwyo i unrhyw ran arall o'r awdurdod lleol h.y. bydd yn benderfyniad gweithredol oni bai y nodwyd, mewn cyfraith neu o dan y Cyfansoddiad, ei fod yn benderfyniad i'r Cyngor llawn, pwyllgor rheoleiddio neu'n benderfyniad i swyddogion. Mae hyn yn cydymffurfio â'r manylion yn [Neddf Llywodraeth Leol 2000](#) a [Rheoliadau Awdurdodau Lleol \(Trefniadau Gweithrediaeth\) \(Swyddogaethau a Chyfrifoldebau\) \(Cymru\) 2007](#) [sy'n darparu gwybodaeth am benderfyniadau (a) na chaniateir i Bwyllgor Gwaith eu gwneud a (b) penderfyniadau a all fod yn rhai na chaniateir i Bwyllgor Gwaith eu gwneud].

### 3. Penderfyniadau Gweithredol

- 3.1 Mae Adran 3.3. y Cyfansoddiad yn manylu ar y penderfyniadau y bydd y Pwyllgor Gwaith yn eu gwneud. Yr Arweinydd sy'n gyfrifol am ddirprwyo swyddogaethau gweithredol.
- 3.2 Bydd penderfyniadau gweithredol yn cael eu gwneud gan y Pwyllgor Gwaith yn ei gyfanrwydd, neu gellir eu gwneud gan aelodau unigol o'r Pwyllgor Gwaith (yr Arweinydd/Deilyddion Portffolio), neu Bwyllgorau'r Pwyllgor Gwaith, neu swyddogion yn gweithredu dan awdurdod gweithredol dirprwyedig penodol.

#### 3.3 Penderfyniadau Gweithredol gan y Pwyllgor Gwaith:

Mae penderfyniadau gweithredol gan y Pwyllgor Gwaith yn cael eu gwneud mewn [cyfarfodydd a we-ddarlledir](#) gynhelir yn fisol fel arfer. Mae'r [penderfyniadau a wneir](#) ym mhob cyfarfod yn cael eu cyhoeddi wedi hynny.

#### 3.4 Penderfyniadau gan Ddeilydd Portffolio:

Gwneir penderfyniadau gan Ddeilydd Portffolio yn unol â'r [ddirprwyaeth Pwyllgor Gwaith](#) sefydlog ac yn unol â Disgrifiad [Swydd Aelodau'r Pwyllgor Gwaith](#).

Casglwyd ynghyd y [penderfyniadau a wnaed gan bob Deilydd Portffolio](#) yn ystod y cyfnod cyfredol ac maent ynghlwm yn yr Atodiadau a ganlyn i'r adroddiad hwn:

<b>Deilydd Portffolio</b>	<b>Cynghorydd yn y swydd</b>	<b>Atodiad</b>
Cynllunio a Gwarchod y Cyhoedd	Y Cynghorydd Richard Dew	Dim i'w adrodd
Gwasanaethau Cymdeithasol	Y Cynghorydd Llinos M Huws (Arweinydd)	<b>1</b>
Prosiectau Mawr a Datblygu Economaidd	Y Cynghorydd Carwyn Jones	Dim i'w adrodd
Addysg, Ieuenctid, Llyfrgelloedd a Diwylliant	Y Cynghorydd R Meirion Jones	Dim i'w adrodd
Tai a Chefnogi Cymunedau	Y Cynghorydd Alun Mummery	Dim i'w adrodd
Priffyrdd, Eiddo a Gwastraff	Y Cynghorydd Bob Parry OBE FRAGS	Dim i'w adrodd
Gwasanaethau Corfforaethol	Y Cynghorydd Dafydd R Thomas	Dim i'w adrodd
Trawsnewid a'r Iaith Gymraeg	Y Cynghorydd Ieuan Williams (Dirprwy Arweinydd)	<b>2</b>
Cyllid	Y Cynghorydd Robin Williams	<b>3</b>

#### 3.5 Penderfyniadau'r Arweinydd:

Yn unol â'r pwerau a roddir gan ddeddfwriaeth, a gan Gyfansoddiad y Cyngor, gall yr Arweinydd wneud unrhyw benderfyniadau gweithredol yn ogystal; gan gynnwys y rhai hynny a gafodd eu dirprwyo i eraill.

Mewn ymateb i'r pandemig coronafeirws, diwygiwyd y ddirprwyaeth arferol ar gyfer penderfyniadau gweithredol gan yr Arweinydd drwy [ddirprwyaeth a lofnodwyd ar 23 Mawrth 2020](#).

Ceir rhestr o bob penderfyniad a wnaed gan yr Arweinydd yn ystod cyfnod yr adroddiad yn **Atodiad 4**.

#### 4. **Argymhellion**

I'r Cyngor nodi'r penderfyniadau a wnaed gan y Pwyllgor Gwaith, drwy ddulliau amrywiol, yn unol â'r cynllun dirprwyo a gynhwysir yng Nghyfansoddiad y Cyngor.

## Atodiad 1 - Deilydd Portffolio ar gyfer y Gwasanaethau Cymdeithasol

<b>Dyddiad</b>	<b>Dolen i'r Cofnod o Benderfyniad</b>	<b>Penderfyniad</b>
Medi 2019	<a href="#">Cofnod o Benderfyniad Gweithredol a wnaed gan y Deilydd Portffolio ar gyfer y Gwasanaethau Cymdeithasol</a>	Bod Cyngor Sir Ynys Môn yn mabwysiadu Strategaeth Gofalwyr Gogledd Cymru yn ffurfiol.
Medi 2019	<a href="#">Cofnod o Benderfyniad Gweithredol a wnaed gan y Deilydd Portffolio ar gyfer y Gwasanaethau Cymdeithasol a'r Deilydd Portffolio ar gyfer Cyllid</a>	Bod Cyngor Sir Ynys Môn yn cytuno i'r ymagwedd a nodir yn y papurau amgaeedig i gwrdd â gofynion Llywodraeth Cymru i gytuno ar Gyllideb ar y Cyd ar gyfer lleoliadau nyrsio a phreswyl i'r henoed.
Mawrth 2020	<a href="#">Cofnod o Benderfyniadau Gweithredol a wnaed gan y Deilydd Portffolio ar gyfer y Gwasanaethau Cymdeithasol</a>	Cymeradwyo Adroddiad Blynyddol y Cyngor ar Gydraddoldeb 2018/19, i'w gyhoeddi erbyn 31 Mawrth 2020.

## Atodiad 2 – Deilydd Portffolio ar gyfer Trawsnewid a'r Iaith Gymraeg

<b>Dyddiad</b>	<b>Dolen i'r Cofnod o Benderfyniad</b>	<b>Penderfyniad</b>
Mehfin 2019	<a href="#"><u>Cofnod o Benderfyniad Gweithredol a wnaed gan y Deilydd Portffolio ar gyfer Trawsnewid Gwasanaethau a chyfrifoldeb am yr Iaith Gymraeg</u></a>	Derbyn cynnwys yr Adroddiad Blyneddol ar Safonau'r Iaith Gymraeg am 2018/19 a chymeradwyo ei gyhoeddi.

### Atodiad 3 – Deilydd Portffolio ar gyfer Cyllid

Dyddiad	Dolen i'r Cofnod o Benderfyniad	Penderfyniad
Gorffennaf 2019	<a href="#">Cofnod o Benderfyniad Gweithredol a wnaed gan y Deilydd Portffolio ar gyfer Cyllid</a>	<p>- Cymeradwyo'r uwchraddiad i'r amgylchedd endid taliadau busnes BACS fel y manylir yn yr adroddiad ynghlwm;</p> <p>-Trosglwyddo £25,000 o'r gronfa wrth gefn ar gyfer Cost Newidiadau i gwrdd â chost yr uwchraddiad.</p> <p>Gweler ynghlwm - llythyr gan Arweinydd y Cyngor yn dirprwyo'r hawl i'r Deilydd Portffolio (Cyllid) wneud y penderfyniad ar ran yr holl Bwyllgor Gwaith oherwydd y brys.</p>
Gorffennaf 2019	<a href="#">Cofnod o Benderfyniad Gweithredol a wnaed gan y Pennaeth Swyddogaeth (Adnoddau)/Swyddog Adran 151 a'r Deilydd Portffolio Cyllid</a>	Dileu dyledion gwerth £40,844.12.
Ionawr 2020	<a href="#">Cofnod o Benderfyniad Gweithredol a wnaed gan y Pennaeth Swyddogaeth (Adnoddau)/Swyddog Adran 151 a'r Deilydd Portffolio Cyllid</a>	Dileu dyledion gwerth £38,056.95.

## Atodiad 4 – Yr Arweinydd

Dyddiad	Dolen i'r Cofnod o Benderfyniad	Penderfyniad
Hydref 2019	<a href="#">Cofnod o Benderfyniad Gweithredol a wnaed gan yr Arweinydd</a>	I gyfeirio at y Cyngor Llawn penderfyniad mewn perthynas â chymeradwyo pŵer dirprwyedig i'r Cyfarwyddwr Lle a Llesiant Cymunedol gyflawni holl swyddogaethau statudol y Cyngor fel Awdurdod Lleol ac Awdurdod Cynllunio mewn cysylltiad â cheisiadau cydsynio sy'n cynnwys caniatâd cynllunio neu ganiatâd cynllunio tybiedig neu'r hyn sy'n cyfateb i'w bennu gan Lywodraeth Cymru, gan gynnwys negodi a chwblhau cytundebau rhwymedigaeth cynllunio.
Rhagfyr 2019	<a href="#">Cofnod o Benderfyniad Gweithredol a wnaed gan yr Arweinydd</a>	Argymhell i'r Cyngor fod paragraff 4.3.2.2.8 o'r Cyfansoddiad yn cael ei atal ar gyfer 2020/2021 yn unig.
Mai 2020	<a href="#">Cofnod o Benderfyniad Gweithredol a wnaed gan yr Arweinydd – 4 Mai, 2020</a>	Derbyn Polisi RIPA y Cyngor a chaniatáu i Gyfarwyddwr Swyddogaeth (Busnes y Cyngor) / Swyddog Monitro'r Cyngor wneud newidiadau i'r Polisi o bryd i'w gilydd yn unol ag arferion sy'n dod i'r amlwg a newidiadau deddfwriaethol.
Mai 2020	<a href="#">Cofnod o Benderfyniad Gweithredol a wnaed gan yr Arweinydd – 13 Mai, 2020</a>	Cymorth ariannol i denantiaid busnes y Cyngor yn ystod yr Argyfwng Coronafeirws.
Mai 2020	<a href="#">Cofnod o Benderfyniad Gweithredol a wnaed gan yr Arweinydd – 27 Mai, 2020</a>	Cyflwyno Polisi Rhyddhad Dewisol dros-dro rhag y Dreth Fusnes yn sgil COVID – 19.
Mai 2020	<a href="#">Cofnod o Benderfyniad Gweithredol a wnaed gan yr Arweinydd – 27 Mai, 2020</a>	Diwygio rhan o'r Polisi Rhyddhad Dewisol rhag y Dreth Gyngor yn sgil COVID – 19.
Mehefin 2020	<a href="#">Cofnod o Benderfyniad Gweithredol a wnaed gan yr Arweinydd – 11 Mehefin, 2020</a>	Fod y Cyngor yn cynnig cymorth i'r Cynghorau Cymuned a Thref sydd wedi eu hadnabod gyda diffyg capasiti ar gyfer claddedigaethau i greu darpariaeth ychwanegol. Gwneir hyn drwy roi cymorth iddynt yn y lle cyntaf i dderbyn cytundeb Llywodraeth Cymru i fenthyg arian ac wedyn gyda'r broses benthyg. Yn niffyg popeth arall ac yn dilyn adroddiad a phenderfyniad pellach, gellir ystyried benthyciad uniongyrchol gan y Cyngor.

Mehefin 2020	<a href="#">Cofnod o Benderfyniad Gweithredol a wnaed gan yr Arweinydd – 22 Mehefin, 2020</a>	Derbyn cynnwys yr Adroddiad Blynyddol ar Safonau'r Iaith Gymraeg am 2018/19 a chymradwyo ei gyhoeddi.
-----------------	---	--